

जितेश टुडू (2026). संताल होपोनाक् जियोन रे जाहेर थान रेयाक् मोहोत्: मित् बिछनाउ. International Journal of Multidisciplinary Research & Reviews 5(3), 222-229.



INTERNATIONAL JOURNAL OF
MULTIDISCIPLINARY RESEARCH & REVIEWS

journal homepage: www.ijmrr.online/index.php/home

संताल होपोनाक् जियोन रे जाहेर थान रेयाक् मोहोत्: मित् बिछनाउ

जितेश टुडू

यू.जी.सी. नेट - जे.आर.एफ.,

संताली विभाग, सि.का.मु.यू. दुमका, झारखण्ड, 814110। मो. 88099700884,

Corresponding Author: tudujitesh@gmail.com

How to Cite the Article: जितेश टुडू (2026). संताल होपोनाक् जियोन रे जाहेर थान रेयाक् मोहोत्: मित् बिछनाउ. International Journal of Multidisciplinary Research & Reviews 5(3), 222-229.



<https://doi.org/10.56815/ijmrr.v5i3.2026.222-229>

Keywords (आसोल साबाद)

ओज,
हुलास,
डोबोक् - जोहार,
साय - पोयसा,
सोनलिया,
आतो - बाइसी।

Abstract (सारतेत्)

जाहेर थान दो संताल होपोनाक् मित् सोनोत् आनाक् जायगा कान ताकोआ; ओका रे दो संताल होपोन को पुजा - पासाना आर बोंगा - बुरु ठेन को नेहोर - आरजीक्आ जेमोन आकोवाक् जियोन सुलुक् निराय ते खेमाक् ताको बाड़े। ओना सांव ते बोंगा - बुरु हों को सारहाव तोरा कोआ।

जाहेर थान दो आतो रेयाक् कुल्ही मुचात् टोठा रे ताहेंनोक् कान ताकोआ आर जाहेर रे दो आयमा लेकानाक् दारे को ताहेंना। ओने ओना दारे रेयाक् मोज हिसित् होय - बातास गे आतो सेच् चालाक्आ; मेताक् मे दारे - नाड़ी रे ताहेंन रेहेत् रान रेयाक् गुन -



The work is licensed under a [Creative Commons Attribution Non Commercial 4.0 International License](https://creativecommons.org/licenses/by-nc/4.0/)

जितेश टुडू (2026). *संताल होपोनाक् जियोन रे जाहेर थान रेयाक् मोहोत्: मित् बिछनाउ*. International Journal of Multidisciplinary Research & Reviews 5(3), 222-229.

	<p>पुन गे आतो सेच् होय चालाक् ते आतो रेन होइ दो माराड - माराड रूवा - आजार खोन रुखिया को जाम एदा। संताल होपोनाक् आतो सोर रे जाहेर थान ताहेंनोक् कान ते पुरहु होय ताला आक्सीजन रेयाक् ओज दो बाइती गे ताहेंनोक् काना; ओना सांव ते मानवां आकोवाक् होइमो रे रूवा - आजार सांव लाइहाय लगित् होइमो रे दाइ होय बाइतीयेत् ताकोआ।</p> <p>ओनका लेका तेम मेन दाइ केया जे सारी गे जाहेर थान दो एकेन पुजा - पासा जायगा सुमुड दो बाड काना। मेताक् मे जाहेर थान रे मेनाक् दारे - नाडी को खोन दो संताल होपोन आकोवाक् होइमो लगित् आयमा पोरहो को जामेत् काना। ओना तेगे होयोक्आ पासेच् संताल होपोन दो आडी कोम गे माराड - माराड रूवा - आजार रे बाको पाइक् काना।</p>
--	---

बोतोलो (प्रस्तवना) -

संताल होपोन दो भारोत दिसाम रेन तेसारको माराड जनजाति गादेल काना को। नोको को गिराबास आकान पोनोंत् को दो नोंका लेका काना- झारखण्ड, बिहार, मध्य प्रदेश, आसम, पश्चिम बंगाल, उड़ीसा, त्रिपुरा, छत्तसगढ़, केरल एमान पोनोंत् रे गिराबास आकान मेनाक् कोआ।¹

नोको जनजाति कोवाक् रोरुड पारसी दो 'संताली' कान ताकोआ; ओका दो भारोत दिसाम रेयाक् मेनाक् आन - आरी पुथी 'संविधान' रेनाक् 8वीं अनुसूची रे सेलेत् आकान मेनाक् ताकोआ। नोकोवाक् पारसी दो 'आस्ट्रीक पारसी धारोंज' रेयाक् मित् पारसी काना।²

सोंसार रेयाक् जाति गादेल लेका तेम जेल लेको खान दो 'प्रोटो आस्ट्रेलायड' जाति गादेल रेन मित् जनजाति काना को।³

संताल होपोनाक् जियोन - दोरसोन दो सारी गे आडी तेत् खान आडी तेत् गे सोरोस गेता कोआ, चेदाक् जे नोकोवाक् दो मिमित् ताडाम रे नियोम आर मिमित् ताडाम रे धोरुम मेनाक् ताकोआ। जे लेकाम जेल दाइ केया- जोनोक् बाको गेडाया, जोनोक् बाको लेबेदा, जिंदा - जुत्



जितेश टुडू (2026). *संताल होपोनाक् जियोन रे जाहेर थान रेयाक् मोहोत्: मित् बिछनाउ*. International Journal of Multidisciplinary Research & Reviews 5(3), 222-229.

ओड़ाक् रेयाक् जोबरा बाहरे सेच् बाको जोक् ओडोगा, जाहांय होइ जुदी आन्दहा ते जांगा तेय झादगु तियाक् तानाक् लाय खान जोटेत् कातेय डोबोक् आया, चाहे दो आयाक् उमार खोने लाटु गे से चाहे दो आच् खोन उमार तेये काटिच् गे ओना रेयाक् चेत् गे भेपेगेत् बानुक् ताकोआ। सारी गे मासे जेल ताको मे तिनाक् मोज जियोन रेयाक् दोरसोन दो मेनाक् ताकोआ; चेत् लेका मित् एटाक् को सांव ते मोज - नापाय बेबोहार तुलुच् हुलास रासका ते जियोन को खेमावेदा।

संताल होपोन दो ओड़ाक् - दुवार जेल तेहोम जेल ठेकेया चेदाक् जे नोकोवाक् ओड़ाक् दो पुनान नाखा कांत् आचुर काते चातोम ओड़ाक् लेका को बेनावा आर ताला रे दो राचा को दोहोया मेनखान ओड़ाक् कांत् गोंडा रे दो मित् चिकांइ पिडा दोम जाम तेहोम जाम ताको गया। मित् घाड़ी लाहा ओका चातोम ओड़ाक् बाबोत् काथा रोड़ोगोक् कान ताहेंन ओना काथा रेयाक् मेरात् तेत् दो लातार रे सोहराय सेरेज ताला ते ओल सोदोर रेनाक् कुरुमुटु होय आकाना।

देला तोबे ओना सोहराय सेरेज रेयाक् थार काली बोन जेल लेगे।-

“तेहेंज दोले नुम काना,

रूली - रूली पुखुरी रे,

गापा दोले बोंगाक्आ,

दारा - हारा चातोम नोड़ाक् रे”।।⁴

मासे आंजोम मे नोआ सोहराय सेरेज रेयाक् थार काली दो तिनाक् पुस्टावे फोटेल सोदोरेदा जे संताल होपोन दो दारा - हारा चातोम ओड़ाक् रेको बोंगा - बुरूया सेको पुजा - पासाक्आ। नोआ काथा दो साय - पोयसा खाटी कान गया चेदाक् एन्ते सेदाय हापड़ाम को दो जाहांनाक् काथा गे थुति चेतान थुति, मोचा चेतान मोचा आर बाड सेरेज ताला तेको जोगाव - जोतोम आगुवाकात् ताहेंकाना आर ओना खाटीयाक् दो नोआ सोहराय सेरेज ताला ते सोदोर-सामाडोक् काना।

मेनखान आसोल रे दो संताल होपोन कोवाक् जोतो खोन सोरोस आर माराड ओपोरोम दो कान ताकोआ 'डोबोक् - जोहार'। ओना डोबोक् - जोहार ताला तेगेम जेल ठेकेया जे नोयाक् दो मित् एटाक् इच् होइ सांव चेत् लेकानाक् सागाय मेनाक् ताया? चाहे दो बोयहा सागाय कान, ओना



जितेश टुडू (2026). *संताल होपोनाक् जियोन रे जाहेर थान रेयाक् मोहोत्: मित् बिछनाउ*. International Journal of Multidisciplinary Research & Reviews 5(3), 222-229.

रेयाक् जुदा गे डोबोक् - जोहार; चाहे दो गोगो - बाबा सागाय कान, ओना रेयाक् जुदा गे डोबोक् - जोहार; चाहे दो गाते पेड़ा सोगाय कान, ओना रेयाक् जुदा गे डोबोक् - जोहार; चाहे दो बाला - साका सागाय कान, ओना रेयाक् जुदा गे डोबोक् - जोहार मेनाक् ताकोआ। मेताक् मे मित् होड़ाक् दोसारिच् होड़ सांव चेत् लेकानाक् सागाय - सोमपोक् कान ताया ओना दो डोबोक् - जोहार ताला तेगे सोदरोर - सोनोदोर ताहेन काना।

आसोल जिनिस तोजबिज (मुख्य विषय विश्लेषण) -

हाने सेदाय माराड ठाकुर आक् कुरुमुटु ते, माराड बुरु आक् गोड़े ते, लिटा गोसाईं आक् जोमोक् ते, ठाकरान एरा वाक् बुद-आकिल ते धरती को सिरजोन केदा; धरती सिरजोन सात् तायोम किछु दिन पोर खान गे हांस आर हासिल आक् चेईं बेले खोन बारया आद मानवां पिलचु हाड़ाम आर पिलचु बुढी दो 'हिहिडी - पिपिडी' दिसाम रेकिन जानामेना। उनकिन आद मानवां किन हारा-जुवानेन खान नुकिन हों लाजापाड़ा रेयाक् सिमा लेबेत् पारोम काते लाजावाड़ा किन काय केदा। ओने ओना किन काय केत् खान दो एयाय कोड़ा आर एयाय कुड़ी को जानामेन तकिना; उनको एयाय कोड़ा आर एयाय कुड़ीयाक् कोवाक् जुतुम दो ताहेकाना-

कोड़ा कोवाक् जुतुम दो: 'सेनदार, सानदोम, चारे, माने, आचारे, डेला आर लिटा',

कुड़ी कोवाक् जुतुम दो: 'छिता, कापरी, हिसी, डुमनी, दानगी पुंडगी आर नासों' को जानामेना।

नोको को हारायेन खान दो बे बाडाय ते सुडुकुच् बिर रे आको बोयहा - बोयहा ताला रेगे को बापला सांगे येना। मेनखान नोआ काथा दो पिलचु हाड़ाम आर पिलचु बुढी दो किन बाडाय कान ताहेन गया, जे नोको दो आको बोयहा - बोयहा ताला रेगे को बापला सांगे वाकाना मेनते।⁵

ओन हिहिडी - पिपिडी दिसाम रे मानवां को बाडेन खान ओन्डे खोन ओड़ोक् काते आयमा दिसाम रेको गिराबास एना, मेनखान ओना को दिसाम रे दो चेत् को कारोन तेचो बाड को सुक् लेना आर ओनका जातरा - जातरा तेगे मित् निरोला दिसाम को चिया जाम आना। ओना दिसाम दो को जुतुम केदा 'चाय - चाम्पा' दिसाम। ओका रे दो संताल होपोन को राज लेना - रापाज लेना; मेताक् मे ओना दिसाम रे दो आडी सुलुक् तेको ताहेकाना आर सोनालिया दिन को काटावेत्



जितेश टुडू (2026). *संताल होपोनाक् जियोन रे जाहेर थान रेयाक् मोहोत्: मित् बिछनाउ*. International Journal of Multidisciplinary Research & Reviews 5(3), 222-229.

ताहेंकाना। ओना चाय - चाम्पा दिसाम रेगे संताल होपोन को दो आतो - बाइसी बान्धाव काते, आतो रेयाक् ताला कुल्ही रे दो 'मांझी थान' आर आतो रेयाक् कुल्ही मुचात् जाहां रे सारजोम दारे, मातकोम दारे, आतनाक् दारे आर एमान - एमान दारे को ताहेंनोक् ओन्डे दो 'जाहेर थान' को बेनाव केदा। मांझी थान रे दो 'माराड बुरु, मांझी हाडाम - मांझी बुढी' (पासेच् होय दाड़ेयाक्आ उनकिन गे ठाकुर - ठाकरान आर बाड पिलचु हाडाम - पिलचु बुढी आर बाड आलाड़ी - दुलाड़ी आर बाड यामका - यामकी कान किन) जुतुम ते सारजोम खुन्टी बित् काते, खुन्टी गोन्डा तेत् रेगे पेया थान धिरी को थापना केदा आर ओना थापना धिरी रे दो नोको बोंगा - बुरु को गिराबास केत् कोआ; जेमोन नोको बोंगा - बुरु को दो आतो ताला रे ताहें काते आतो गांवता रूखयाय रेयाक् को कामीय। ठीक् ओनका गे जाहेर थान रे हों सारजोम दारे बुटा तेत् रेगे 'जाहेर एरा, माराड बुरु, मोड़ेंको - तुरुयको आर परगना बोंगा' जुतुम ते थान धिरी को थापना केदा।⁶ मेनखान जाहेर रेगे गोसांई एरा लागित् दो मातकोम दारे बुटा गोडा तेत् रे थान धिरी को थापनाव आदेया। चेदाक् एन्ते हापडाम कोवाक् काथा ताला ते बाडायोक् काना जे नोय गे उनको मोड़ें बोयहा आर तुरुय बोयहा को सोंगे गे काथाय गाते सिबिल - सागाय ताहेंकान ताया, ओकाटाक् लागित् ते दो ओना को मोड़ेंको - तुरुयको बोयहा आतो गांवता खोन को बिटलाहा लेत् को। नोको बोंगा - बुरुको दो आतो कुल्ही मुचात् जाहेर थान रे नोआ इयाते को थापना आकात् कोआ, जेमोन नोको बोंगा - बुरु दो आतो कुल्ही मुचात् जाहेर रे ताहें काते आतो गांवता को रूखयाय।⁷

जाहेर थान रे थापना आकात् को मिमित् बोंगा - बुरु आक् सापाप् मेनाक् ताकोआ आर ओना सापाप् को दो नोंका लेका काना ताकोआ- 'जाहेर एरा वाक् दो दावड़ा, कित् कांहडुम, साकोम, माला; माराड बुरु आक् दो कापी, तारवाड़ी; मोड़ेंका - तुरुयको कोवाक् दो तुम्दाक् - टामाक्, परगना बोंगा वाक् दो माज ठेंगा आर गोसांई एरा वाक् दो जोनोक्, हाटाक् एमान कान ताया।⁸

संताल होपोन जाहेर थान रेको थापन आकात् को बोंगा - बुरुको दो जुदा - जुदा दान - दाड़ें एम काते को देवा - सेवा कोआ। जेलेका- सारजोम दारे बुटा रे थापना आकात् को बोंगा - बुरुको मुद खोन पाहिल रे दो जाहेर एरा जुतुम ते हेडाक् सिम कालोट जाबही काते को बोंगायेया, ओना तायोम दोसार रे दो माराड बुरु जुतुम ते पोंड सिम सांडी को बोंगायेया, ओना तायोम तेसार रे मोड़ेंको - तुरुय को आर परगना बोंगा जुतुम ते आराक् सिम सांडी को बोंगायेया। मेनखान



जितेश टुडू (2026). *संताल होपोनाक् जियोन रे जाहेर थान रेयाक् मोहोत्: मित् बिछनाउ*. International Journal of Multidisciplinary Research & Reviews 5(3), 222-229.

मातकोम दारे बुटा रे थापना आकादि गोसाईं एरा जुतुम ते दो मित् टेन काबरा सिम को बोंगायेया।⁹ नोको थापना आकात् को जोतो बोंगा - बुरु गे आतो बाइसी खोन साला बाछाव आकादे नायके बाबा गेये बोंगाव आकोआ। मेनखान गोसाईं एरा दो नायके बाबा दो बाय बोंगावाया चेदाक् एन्ते नोय टाक् बोंगा बोगावाय लगित् दो आतो - गांवता खोन कुडाम नायके बाबा को साला बाछाव आकादेया; नोय कुडाम नायके बाबा गे जाहांन दुक् - बिपोत् ओक्ते परगना बोंगा हों आतो खोन फाराक् मित् एटागाक् आतो सिमा सेच् रे आयाक् बुल मायाम दाईं कातेय बोंगा - बुरु कातेय दाहनावेया।

गोटा काथा (निष्कर्ष) -

सेदाय रे संताल होपोन जाहेर थान को थापना लेत् ओना दो एकेन बोंगा - बुरु देवा - सेवा आको मोतो सुमुड दो बाड ताहेंकाना पासेच्; चेदाक् एन्ते जाहेर थान रे दो नाना रोकोम रेयाक् दारे - नाड़ी ताहेंना। जेलेका- सारजोम दारे, मातकोम दारे, आतनाक् दारे, एदेल दारे, कासमार दारे, बाड़े दारे, हेसाक् दारे, लोवा दारे, नीम दारे, बरु दारे आर एमान - एमान दारे को।

ओना को दारे नाड़ी खोन संताल होपोन दो आयमा लेकानाक् पोरहो को जामेत् काना। जेलेका- दारे साकाम खोन दो साकाम ओका दो साकाम ओका दो पातड़ा - फुडुक् एमान को बेनावा, दारे बाहा खोन दो सोन्दहाड़ मोज सों ओना सांव ते मातकोम दारे खोन मा मातकोम बाहा गेले तेत् गे ओका दो संताल होपोन तिकी काते को जोमा, पिठा काते को जोमा, डुम्बुक् काते को जोमा, आन्दाक् काते को जोमा, लाठे काते को जोमा आर एमान - एमान लेका काते को जोमा। आसोल रे मातकोम गेले खोन दो पारवा हों को चुवाट गया। ओना छाडा दारे रेयाक् जो खोन दो जो - बिली को जामा ओका दो मोन भोर जोम काते लाच् पेरेच् को बी कोआ। दारे रेयाक् डार खोन दो साहान, दारे रेयाक् मोटा डार खोन दो सेनेर, नाहेल, मोदहोन एमान को बेनावा। मेताक् मे संताल होपोन जियोन खेमाव रेयाक् मित् - बार आसोल - आसोलाक् जिनिस् को दो जाहेर खोन को जामेदा।



जितेश टुडू (2026). *संताल होपोनाक् जियोन रे जाहेर थान रेयाक् मोहोत्: मित् बिछनाउ*. International Journal of Multidisciplinary Research & Reviews 5(3), 222-229.

1. AUTHOR(S) CONTRIBUTION

The writers affirm that they have no connections to, or engagement with, any group or body That provides financial or non-financial assistance for the topics or resources covered in this Manuscript.

2. CONFLICTS OF INTEREST

The authors declared no potential conflicts of interest with respect to the research, authorship, And/or publication of this article.

3. PLAGIARISM POLICY

All authors declare that any kind of violation of plagiarism, copyright and ethical matters will/ Take care by all authors. Journal and editors are not liable for aforesaid matters.

4. SOURCES OF FUNDING

The authors received no financial aid to support for the research.

गोक्ड़ो पुथीको (संदर्भ ग्रन्थ) -

1. शर्मा, डॉ. चरण बिमला, झारखण्ड की जनजातियाँ, झारखण्ड झरोखा, शोप नं. - डी. जी. 03, न्यू बिल्डिंग, न्यू मार्केट, रातू रोड, राँची, (झारखण्ड), पिन नं. - 834001, छापा सेरमा- 2014, साकाम लेखा- 445
2. टुडू, डॉ. चन्द्र कृष्णा आर टुडू यशोदा, संताली भाषा अन्वेषिका, झारखण्ड झरोखा, दुकान नं.- डी. जी. 03 न्यू बिल्डिंग, न्यू मार्केट, रातू रोड राँची, झारखण्ड, पिन नं.- 834001, छापा सेरमा- 2021, साकाम लेखा- 10
3. टुडू, डॉ. चन्द्र कृष्णा, सानताड़ी पारसी उनुरुम, आदिवासी शोध केन्द्र, प्रोफेसर कृष्ण कुटीर, राजदोहा, पूर्वी सिंहभूम, झारखण्ड, छापा सेरमा- 2021, साकाम लेखा- 5
4. ठाकुर, पद्मश्री मुरमु भागवत, सोहारय सेरेज, स्वार्नलाता हांसदा, सुनिल मुर्मू, अबेशरी, पुरानापानी, रायनगरपुर, उड़ीसा, पिन नं.- 757046, छापा सेरमा- 2023, साकाम लेखा- 6
5. टुडू, डॉ. चन्द्र कृष्णा, सानताड़ी होड़ साँवहेँत्, आदिवासी रिसर्च सेन्टर, प्रोफेसर कृष्ण कुटीर, राजदोहा, पूर्वी सिंहभूम, झारखण्ड, छापा सेरमा- 2022, साकाम लेखा- 1



जितेश टुडू (2026). *संताल होपोनाक् जियोन रे जाहेर थान रेयाक् मोहोत्: मित् बिछनाउ*. International Journal of Multidisciplinary Research & Reviews 5(3), 222-229.

6. सिपाही, सोरेन चुण्डा, सारना होरा रे, संताल कोवाक् जियोन दोरसोन, मिन्वा प्रेस, श्रीराम पाड़ा चैक दुमका, झारखण्ड, छापा सेरमा- 2000, साकाम लेखा- 33
7. किस्कु, चन्द्र रामेश, संतालको रेन बोंगा - बुरूको, कोछापाड़ा संताल कल्याण समाज, कोछापाड़ा, हारकोरखा, मालदा, पश्चिम बंगाल, पिन नं.- 732128, आदी जोयश्री प्रेस, विवेकानंद पाली, मालदा, छापा सेरमा- 2022, साकाम लेखा- 14
8. टुडू, डॉ. चन्द्र कृष्णा, जातसाँडेस, आदिवासी शोध केन्द्र, मेन रोड, राँची, झारखण्ड, भारत, छापा सेरमा- 2020, साकाम लेखा- 130
9. आदिवासी, मुर्मू बाबूलाल, बाहा पोरुब सेरेज, यूनिवर्सल पब्लिकेशन (पब्लिशर्स एण्ड डिस्ट्रीब्यूटर्स), राँची, झारखण्ड, पिन नं. 834101, साकाम लेखा- 23

